

Vlada FBiH ponovo traži konsultanta za pripremu dokumentacije o istraživanju nafte

Vlada FBiH je danas Federalnom ministarstvu energije, rudarstva i industrije, kao ugovornom organu, dala saglasnost za pokretanje postupka javne nabavke usluga putem otvorenog postupka za izbor pravne osobe kao stručnog konsultanta u izradi tenderske dokumentacije za raspisivanje međunarodnog javnog poziva za dodjelu koncesije za istraživanje i eksploataciju nafte i plina na teritoriju Federacije BiH.

Postupak će obaviti Komisija za pripremu dokumentacije koja će biti imenovana rješenjem Federalnog ministarstva.

Stručni konsultant treba posjedovati iskustvo u međunarodnim pregovorima i izradi ugovora o istraživanju i eksploataciji nafte i plina.

Procijenjena vrijednost usluga stručnog konsultanta je do 1,5 mil KM, s PDV-om, a biće isplaćena u skladu sa Zakonom o istraživanju i eksploataciji nafte i gasa u FBiH.

Popis kvalificiranih ponuđača utvrdiće Komisija, pri čemu cijena čini 30%, a tehnički kriteriji 70%.

Konačnu odluku o odabiru stručnog konsultanta, na prijedlog Komisije, donijeće Vlada FBiH.

Izvor: ekipija